



10279

杜詩論文三十五

吳興祚伯成定

武進吳見思齊賢注

秉

宜興潘眉元白評

武進董元愷舜民參

唐代宗大曆元年夏夔州

寄常徵君

白水青山空復春。徵君晚節旁風塵。楚妃堂上色殊衆。海鶴階前鳴向人。萬事紛紛猶絕粒。一官羈絆實藏身。開州入夏知涼冷。不似雲安毒熱新。

杜詩論文

夔州三十五

山水依然春光空至者。以徵君晚節。悞入風塵也。所以楚女入宮。雖顏色殊衆。無奈夜鶴獨怨。而鳴向他入乎。於是萬事糾紛。尚思絕粒。一官羈絆。猶曰藏身。其可得耶。然君在開州。入夏尚涼。不似我處雲安。毒熱方始也。

園官送菜

園官送菜。把本數日闕。矧苦芭馬齒。掩乎嘉蔬。傷小入妬害君子。菜不足道也。比而作詩。

清晨蒙菜把。常荷地主恩。守者愆實數。略有其名存。苦芭

刺如針馬齒菟亦繁青青嘉蔬色埋沒在中國園吏未足
怪世事固堪論嗚呼戰伐久荆棘暗長原乃知苦苴輩傾
奪蕙草根小人塞道路爲態何喧喧又如馬齒盛氣擁葵
在昏點染不易虞絲麻雜羅紈一經器物內永挂籠刺痕
志士採紫芝放歌避戎軒哇丁負籠至感動百慮端

清晨送菜。固是地主之恩。而守者侵剋。有名無實。更

以苦苴馬齒錯雜其中。嘉蔬反埋沒於園中也。一段
序事。夫園吏何足責。天下事大抵如此。今戰爭既久。

中原荒亂。如苦苴之輩。侵奪蕙草之根。以此小人克

杜詩論之

夔州三十五

塞爲態何囂然也。又如馬齒旣盛。擁塞嘉蔬。一經點
染。便如麻紈之相雜。器物之內。終多汗雜矣。一段議
論。因言古之志士。采芝放歌。而無求於世者。彼何人
哉。故值哇丁負籠至。而不覺爲之感歎也。

課伐木

課隸人伯彝辛秀信行等入谷斬陰木人曰四根止

維條伊枚正直挺然晨征暮返委積庭內我有藩籬

是缺是補載載篠簜伊仗支持則旅次于小安山有

虎知禁若恃爪牙之利必昏黑撞突變人屋壁列樹

白菊鑿爲牆實以竹示式。過爲與虎近。混淪乎無良。賓客憂害馬之徒。苟活爲幸。可嘿息已。作詩示宗武。

誦

長夏無所爲。客居課奴僕。清晨飯其腹。持斧入白谷。青冥會巔後。十里斬陰木。人肩四根已。亭午下山麓。尚聞丁丁聲。功課日各足。蒼皮見委積。素節相照燭。藉汝跨小籬。當仗苦虛竹。空荒咆熊羆。乳獸待人肉。不示知禁情。豈惟干戈哭。城中賢府主。處貴如白屋。蕭蕭理體淨。蜂蠆不敢毒。虎穴連里閭。隄防舊風俗。泊舟滄江岸。久客慎所觸。舍西杜詩論文。

夔州三十五

崖嶠壯雷雨。蔚合蓄墻宇。資屢脩。衰年怯幽獨。爾曹輕執熱。爲我忍煩促。秋光近青岑。季月當泛菊。報之以微寒。共給酒一斛。

長夏客居一無所爲。偶課童僕。清晨給食。使之持斧入谷者。蓋於層岩之後。十里之內。斬陰木也。陰木應仲夏。不必多取。煩人四根已足。而亭午功畢矣。長夏天熱。故早作而午止也。積之庭中。見蒼皮委積。素節照耀矣。一段伐木。蓋仗此以作藩籬。尚須苦竹輔之。必使堅固者。因空山僻境。乳獸甘人。不爲禁遏。非特

干戈之足患也。又歎城中府主尊貴高閒。卽蜂蕙亦不敢毒焉。知空荒之外。虎穴連於民居。而必藉隄防。哉一段補籬。今以泊舟江岸。久客更宜畏謹。况舍西卽爲荒山蒼蔚之地。異獸之所出入。則墻宇不得不脩。而衰年幽獨。更多世也。一段自序。下歸到隸人。爾輩觸熱爲我少忍。秋光旣近。至季月泛菊。正當徵寒之時。當報爾酒一斛也。

除草

去義也

草有害于人。曾何生阻脩。其毒甚蜂蠆。其多彌道周。清晨

杜詩論玄

夔州三十五

步前林。江色未散憂。芒刺在我眼。焉能待高秋。霜雪一霑。凝蕙葉亦難留。荷鋤先童稚。日入仍討求。轉致水中央。豈無雙釣舟。頑根易滋蔓。敢使依舊丘。自茲藩籬曠。更覺松竹幽。芟葬不可闕。疾惡信如讎。

草有害人者。何必遠地哉。其毒蜂蠆。正見害人。其多滿道。正見不遠也。晨步前林。欲觀江色。以散憂。而眼前芒刺。頃刻難留。若至秋時。則蕙草亦彫。可使惡草與之同盡乎。一段除草之由。於是荷鋤而先。日暮不止。豈無釣舟。以致之水中。而必不使頑根之依舊丘。

也一段除草之事自此藩籬既曠松竹更幽乃知芟
穡更不可闕耳古云疾惡如讎亦若是矣正意止未
句一點

引水

月峽瞿塘雲作頂亂石崢嶸俗無井雲安沽水奴僕悲魚
復移居心力省白帝城西萬竹蟠接筒引水候不乾人生
畱滯生理難斗水何直百憂寬

明月峽瞿塘峽其高入雲故曰雲作頂也山既極高
土又石骨故不能鑿井也昔日雲安沽水而奴僕爲

杜詩論文

夔州三十五
五

悲今日魚復移居而心力始省耳下頂魚復句白帝
城卽魚復也萬竹相連接筒引水其便如此因嘆人
生畱滯異地生理艱難斗水所值幾何而憂端爲之
少寬矣

園人送瓜

江間雖炎瘴瓜熟亦不早栢公鎮夔國滯務茲一掃食新
先戰士共少及溪老傾筐蒲鴿青滿眼顏色好竹竿接巖
竇引注來鳥遺浮沉亂水玉愛情如芝草落刀嚼冰雪開
懷慰枯槁許以秋蒂除仍看小童抱東陵跡蕪絕楚漢休

征討園人非故侯種此何草草

江間炎熱。瓜應早熟。乃亦如常。二句點地。相公鎮夔。滯務盡掃。惟滯務掃。故分及瓜果耳。於是公其味。以食戰士。大將之才也。分其少。以俱溪老。友朋之誼也。送采之時。傾筐如蒲。鴿之青。顏色極美。又值山泉引注。可以泛瓜。則見沉浮亂如水。精而愛惜。則同芝草也。食之。則落刃如嚼冰霜。胸中已潤。枯槁矣。况許於秋蒂除時。再使小童抱至。情何如乎。一段咏完瓜事。因歎東陵之跡已往。楚漢之事已休。園人既非故侯。種此亦覺齒莽矣。以懷古結。

杜詩論文

夔州三十五

信行遠脩水筒

引泉筒也

汝性不茹葷。清淨僕夫內。秉心識本源。於事少滯礙。雲端水筒坼。林表山石碎。觸熱藉子脩。通流與厨會。往來四十里。荒險崖谷大。日曛驚未食。貌亦愧相對。浮瓜供老病。裂餅常所愛。於斯答恭謹。足以殊殿最。詎要方士符。何假將軍益。行諸直如筆。用意崎嶇外。

汝不茹葷。於僕夫之內。獨爲清淨。故心識本源。事少滯礙也。四句先贊信行。今雲端水筒之坼者。爲林表

山石之傾碎也。觸熱煩于往脩。使之通流入厨耳。乃
往還四十里。而更崖谷荒險乎。承雲端二字。道遠。故
日落而未澆。觸熱。故日晒而貌赤也。驚愧二字。寫出
仁慈。入句脩簡之事。浮瓜裂餅。原備自供。因以答其
恭謹。此物雖微。亦是示賞罰之一端也。恭謹二字。從
清淨本源中看出。四句作勞信。行於是水既通流。不
勞方士之符。暑氣頓消。何待將軍之蓋乎。行諾。即信
行也。直性一往。而用心於崎嶇之山外。豈不足佳哉。

催宗文樹雞柵

杜詩論文

夔州三十五

吾衰法行邁。旅次展崩迫。愈風傳烏雞。秋卯方漫喫。自春
生成者。隨母向百翮。驅趨制不禁。喧呼山腰宅。課奴殺青
竹。終日憎赤憤。踏藉盤按翻。塞蹊使之隔。牆東有隙地。可
以樹高柵。避熱時來歸。問兒所爲跡。織籠曹其內。令人不
得擲。稀間可突過。猪距還汚席。我寬螻蟻遭。彼免狐貉厄。
應宜各長幼。自此均勅敵。籠柵念有惜。近身見損益。明明
領處分。一一當剖析。不昧風雨晨。亂離減憂感。其流則凡
鳥。其氣心匪石。倚賴窮歲晏。撥煩去水釋。未似尸鄉翁。拘
留益阡陌。

衰邁倦行。旅次少休。此養雞之故也。烏雞可以愈風。不可不畜。故秋卵不能生育。方可浸喫。而春卵滋生者。連母五十矣。鷄既多。故驅起不禁。而喧呼山宅也。於是課奴殺竹者。蓋終日厭其踏盤翻接。欲塞蹊以隔絕之。一段樹。柵之。故今墻東隙地。可以樹柵。偶於避熱來歸。問兒所爲者。其跡有似業已織籠曹其內。令其入而不得擲矣。然籠柵宜密。苟稀處可過。則雞且復出。而背距還來汚席矣。蓋我非刻於處雞也。雞入柵中。螻蟻之吞啄。雖寬。而狐貉之吞噬。亦免。况於

杜詩論文

夔州三十五

此長其幼。禁其敵。卽鷄豈不幸哉。一段樹柵之事。乃因籠柵之微。忽明損益之理。卽螻蟻四句也。宗文自應領處分。慎剖析。凡事細心。不可草草。况雞鳴不昧風雨。當曉而鳴。聞鳴而起。憂端得以少減。乃知其流則凡鳥。其氣則如石矣。如石正見其不昧風雨也。今係賴直至於歲終。事完如去其水釋。但愧未似尸鄉之翁。養雞終隱。而尚拘留於途路耳。挽至篇首。結

示獠奴阿段

山木蒼蒼落日曛。竹竿裊裊細泉分。郡人入夜爭餘暉。稚

子尋源獨不聞病渴三更廻白首傳聲一注溼青雲曾驚
陶侃 異怪爾常穿虎豹群

山木蒼然之地落日尚暉之時而見竹竿裊裊細泉
分流矣因歎得水之難郡人入夜共爭餘瀝我有稚
子尋源獨不聞此苦也昔日病渴正煩三更始迴白
首今乃傳聲水至一注已溼青雲矣常怪陶侃
之異而爾常穿虎豹之群得無似之耶

貽華陽柳少府

繫馬橋木間問人野寺門柳侯披衣笑見我顏色溫並坐

杜詩論文

夔州三十五

石堂下俛視大江奔火雲洗月露絕壁上朝暎自非曉相
訪觸熱生病根南方六七月出入異中原老少多暍死汗
踰水漿翻俊才得之子筋力不辭煩指揮當世事語及戎
馬存涕淚濺我裳悲風排帝闈鬱陶抱長策義仗知者論
吾衰卧江漢但愧識璵璠文章一小技於道未爲尊起予
幸班白因是託子孫俱客古信州結廬依毀垣相去四五
里徑徼山葉繁時危挹佳士况免軍旅喧醉從趙女瑟歌
鼓秦人盆子壯顧我傷我驩兼淚痕餘生過如鳥故里今

空村

繫馬喬木之間。問人而尋野寺。野寺之中。柳侯寓焉。披衣出迎。顏色甚喜。與之並坐石堂。俯視江流。未幾火雲出。月露洗絕壁之上。朝曦爭曜矣。早來相訪者。恐其觸熱生病也。南方六七月。出入已異中原。而老少暍死。汗翻水漿。苟非之子俊才。豈不辭筋力而來訪爾乎。一段序相訪。坐談之頃。指揮常世語及兵戈。悲憤之極。不覺涕淚之霑裳。恨不能乘悲風而謁帝也。然雖抱長策。知者誰人。如吾衰疾江邊。又媿識爾而無用。蓋文章小伎。不足以盡爾。而爾能起予班白。

杜詩論文

夔州三十五

堪託子孫。則文章與道合而一矣。一段序事。今與子俱客於此。結廬相依。相去止四五里。而徑徹木繁。往來不易。止以時危。而挹佳士。况免於軍旅之喧。而舞有趙女。歌有秦盆。固足樂也。夫樂盡哀來。子以壯年。尚未免傷感。我卽驩笑。亦不忌悲哀也。嗟嗟。餘生遇烏。飄泊十年。故里空村。欲歸得耶。

峽中覽物

曾爲祿吏趨三輔。憶在潼關詩興多。巫峽忽如瞻華嶽。蜀江猶似見黃河。舟中得病移金枕。洞口經春長薜蘿。形勝

有餘風土惡幾時回首一高歌

會爲採吏而趨三輔。華州功曹也。憶在潼關而詩興爲多。華州在潼關之內也。今乃坐巫峽蜀江之間。而遙想當年。如仍在華岳黃河之上。乃舟中得病。移衾枕於山中。已過一春。而薜蘿長矣。形勝。眞巫峽蜀江風土未美。幾時得回首而歸。長歌得意耶。

憶鄭南寺

鄭南伏毒寺。瀟灑到江心。石影銜珠閣。泉聲帶玉琴。風杉曾曙倚。雲嶠憶春臨。萬里蒼蒞水。龍蛇只自深。

杜詩論文

夔州三十五十一

鄭南伏毒寺。直在江心下。二句寺中之景。石影若卿珠閣。泉聲如聞玉琴。我則風杉曾倚。雲嶠曾臨也。此地蒼蒞萬里之水。龍蛇所伏。豈若江心之瀟灑哉。寺訛作玳。全首一字不及玉石。詳見論事。

奉寄李十五秘書文疑二首

避暑雲安縣。秋風早下來。暫留魚復浦。同過楚王臺。猿鳥千崖窄。江湖萬里開。竹枝歌未好。

竹枝歌巴渝之遺音也。惟映人善唱。

壽艸

且遲回

君今避暑雲安。一待秋風。便當早下矣。我暫留魚復

浦尚在夔州也。待子同過楚王臺。直至荆州也。雲安則雲鳥千崖。目前擁塞荆州。則江湖萬里。胸次俱開。二句分頂。竹枝之歌。雖巴人善唱。我尚未聞其好者。止因畫舸遲回。待子而未行也。通篇一氣。

行李千金贈。衣冠八尺身。飛騰知有策。意度不無神。班秩兼通貴。公侯出異人。立成負文彩。世業豈沈淪。

奉奇之意。前首已完。此序李秘書秘書將應汧公之聘。故行李有千金之贈。客裝已華。衣冠有八尺之身。形狀甚偉。今且飛騰有路。頂行李句。意度如神。頂衣

杜詩論文

夔州三十五
十二

冠句。既為秘書。則班秩之高。業為通貴。可出世族。則公侯之後。又出異人。立成頂公侯句。能脩父業。文彩照人世業。不當復盛耶。

雷

大旱山岳焦。密雲復無雨。南方瘴厲地。惟此農事苦。封內必舞雩。峽中喧擊鼓。真龍竟寂寞。土梗空俯俵。吁嗟公私病。稅斂缺不補。故老仰面啼。瘡痍向誰數。暴尅或前聞。鞭巫非藉古。請先偃甲兵。處分聽人主。萬邦但各業。一物休盡取。水旱其數然。堯湯免親覩。上天鑠金石。群盜亂豺虎。

二者存一端。愆陽不猶愈。昨宵殷其雷。風過齊萬弩。復吹
靈翳散。虛覺神靈聚。氣竭腸胃融。汗滋衣裳污。吾衰猶計
拙。失望築場圃。

大旱山焦。密雲不雨。又在南方瘴厲之地。農事益苦
也。於是舞雩擊鼓。而其龍不至。像設空勞。又何益哉。
然公私共病。稅斂無資。悲淚瘡痍。向誰告訴。更欲竭
力祈請。如暴厄焚巫。恐終無用也。一段說旱。亦思天
道之愆。人事之應也。苟方鎮解甲。歸命朝廷。使萬方
安業。賦斂不竭。則水旱雖係天數。堯湯不免親見。何

杜詩論文

夔州三十五
十三

足慮乎。今則天道旱於上。群盜亂於下。二者校之。寧
爲亢旱。不願爲豺虎也。一段說時事。昨宵忽而雷鳴。
正望雨作。乃風吹雲散。而神靈虛聚。雨竟不至。是以
氣腸汗滋。用頓已甚。尤恨吾衰。計拙。而場圃失望矣。

火

楚俗大旱則焚山
擊鼓。有合神農書。

楚山經月火。大旱則斯舉。舊俗燒蛟龍。驚惶致雷雨。爆散
魑魅泣。崩崖嵐陰。墮羅落沸。百泓根源皆萬古。青林一灰
燼。雲氣無處所。入夜殊赫然。新秋照牛女。風吹巨焰作。河
棹騰烟炷。勢欲焚崑崙。光彌燧洲渚。腥至焦長蛇。聲吼經

猛虎神物已高飛不見石與土爾寧要訪譚憑此近焚侮
薄關長吏憂甚味至精主遠遷誰撲滅將恐及環堵流汗
臥江亭更深氣如縷

楚山經月之火因大旱而舉蓋欲燒蛟龍使之驚惶
致雨耳四句火之故下寫火勢嵌寶爆而魑魅欲泣
凍崖崩而陰處皆明萬古之泉泓皆沸青林之雲氣
俱無入夜赫然光明耀於牛女風吹巨焰烟氣等於
長河勢若并焚崑崙光直遠映洲渚至腥焚長蛇吼
薰猛虎而龍則高飛尚不見石與土何有於火哉此
舉徒要誇謔已近焚侮雖少關長吏之憂無可奈何
然已昧至精之理徒爲過舉耳苟火勢遠遷誰爲撲
滅不然將及室廬矣故流汗而臥江亭更深尚未蘇
息也

杜詩論文

夔州三十五
十四

熱三首

雷霆空霹靂雲雨竟虛無
炎赫衣流汗低垂氣不蘇
乞爲寒水玉願作冷秋猷
何似兒童歲風涼出舞雩

雷霆空作雲雨竟虛熱所以不退也是以炎威流汗
氣息未蘇其熱甚矣望寒而思澆水玉欲冷而願作

秋菰因思兒童舞雩之日風涼何似耶。

瘴雲終不滅。瀘水復西來。閉戶人高臥。歸林鳥却迴。峽中
都似火。江上只空雷。想見陰宮雪。風門颯踏開。

瘴雲不滅。天時正著。瀘水西來。地在南方。人亦止堪。
高臥。鳥亦倦於歸林。而峽中似火。江上空雷。熱不滅
也。因思省中四壁畫雪。重門洞開。而不覺身在異方
矣。

朱李沉不冷。雕胡炊屢新。將衰骨盡痛。被暍味空顛。歛翁
炎蒸景飄颻。征伐人十年。可解甲爲爾一露巾。

杜詩論文

夔州三十五
十五

朱李不冷。雕胡屢炊。止因將衰骨痛。被暍所困。味雖
煩而不能餐也。味顛。朱李二句。當此炎蒸之景。因思
征伐之人。歷寒暑已十年矣。而尚不能解甲。能不可
哀也哉。

杜詩論文三十六

吳興祚伯成定

武進吳見思齊賢注

宜興潘眉元白評

武進董元愷舜民參

唐代宗大曆元年秋夔州

七月一日題終明府水樓二首

高棟層軒已自涼。秋風此日灑衣裳。翛然欲下陰山雪。不
去非無漢署香。絕壁過雲開錦繡。疎松隔水奏笙簧。看君
宜著王喬履。莫賜還宜出尚方。

終明府功曹也兼攝宰節令故有此語佇觀奏即真

杜詩論文

夔州三十六

也

天氣未涼而已自涼者。高棟層軒之下。又值七月一

日。秋風已至也。下承秋風句。翛然。蕭爽。如下陰山之

雪。我之雷滯此地。非無漢署之香也。絕壁之上。白雲

繚之。而如開錦繡。隔水之松。清風過之。而如奏笙簧。

二句。水樓之景。看君之才。宜著王喬之鳥。而即真在

通矣。未點終明府及攝宰事。

宓子彈琴宰邑日終軍棄繻英妙時承家節操尚不泯爲
政風流今在茲可憐賓客盡傾蓋何處老翁來賦詩楚江

巫峽半雲雨清簟疎簾看奕棋

接上首從終明府起。宓子卒邑。點明府終軍棄繻點
終姪承家節操。接終軍句。爲政風流。接宓子句。因言
賓客盡爲傾蓋。豈其知我。而亦來賦詩耶。然若輩何
足言也。今值楚江雲雨半晴之時。清簟疎簾。且爲看
棋消日而已。并結首篇前六句意。

七月三日亭午已後校熱。退晚加小涼。穩睡有詩。因論
壯年樂事。戲呈元二十一曹長。

今茲商用事。餘熱亦已末。衰年旅炎方。生意從此活。亭午
杜詩論支

夔州三十六

滅汗流比鄰。耐人聒晚風。爽鳥匿筋力。蘇摧折。閉目踰十
旬。大江不止渴。退藏恨雨師。健步聞早懸。圓蔬抱金石。無
以供採掇。密雲雖聚散。徂暑終衰歇。前聖慎焚巫。武王親
救暘。陰陽相主客。時序遞回幹。灑落唯清秋。昏霾一空闊。
蕭蕭紫塞鴈。南向欲行劄。歎思紅顏日。霜露束階闥。馬
挾彪弓鳴弦。不虛發長鈚。逐狡兔。突羽當滿月。凋悵白頭
吟。蕭條游俠窟。臨軒望山閣。縹緲安可越。高人鍊丹砂。未
念將朽骨。少壯跡頗疎。歡樂會倏忽。杖藜風塵際。老醜難
剪拂。吾子得神仙。本是池中物。賤夫美一睡。煩促嬰詞筆。

七月清高用事熱已少退。衰年而在炎方。生意從此活矣。四句總序。昔亭宇汗流。今稍減矣。昔恨鄰牖。今可耐矣。烏巾可戴。筋力漸爽。四句熱退之事。屢記入夏以來。閉目百日。大江當前。不能止渴。而雨師退避。早魃橫行。園蔬焦於金石。而密雲空爲聚散。直至暑退。而諸事衰歇乎。一段追序。因歎前聖。焚巫。武王放賜。欲以人事補救。孰知陰陽和爲主客。時序遞相回。幹既入清秋。昏霾頓開。而塞鴈又將南翔矣。一段實序。回想少年之時。霜露既下。馳馬挾弓。弦不虛發。弓

杜詩論文

夔州三十六

矢。熟閑不亦樂哉。一段序往事。今則白頭惆悵。游俠之窟。已蕭條矣。臨望山閣。咫尺不能飛越。耶。四句自歎。高人元曹長也。子鍊丹砂。而不念我將朽之骨乎。少時形跡雖疎。亦曾一陪燕笑。今子爲神仙中人。我爲池中之物。但於睡餘煩促。作詩奉寄而已。一段自序。兼呈元曹長。元方學仙。故曰戲也。

牽牛織女

牽牛出河西。織女處其東。萬古永相望。七夕誰見同。神光竟難候。此事終蒙朧。颯然精靈合。何必秋遂通。亭亭新粧

立龍駕具會空。世人亦爲爾祈請。走兒童。稱家隨豐儉。白
屋達公官。膳夫翊臺殿。鳴玉淒房櫳。曝衣遍天下。曳月揚
微風。蛛絲小人態。曲綴瓜果中。初筵裒重露。日出甘所終。
嗟汝未嫁女。秉心鬱冲冲。防身動如律。竭力機杼中。雖無
舅姑事。敢昧織作功。明明君臣契。咫尺或未容。義無棄禮
法。恩始夫婦恭。小大有佳期。戒之在至公。方圓苟齟齬。丈
夫多英雄。

牽牛處於河西。織女處於河東。萬古如此。七夕相會。
誰見之哉。古有神光渡河之說。終屬蒙朧。不足信也。

杜詩論文

夔州三十六
四

即或有之。不過精靈倏合。何必秋夕哉。八句說聖世
人若真有其事者。以爲織女方新梳龍駕。憑空往來。
此時祈請乞巧。兒童奔走。豐儉不隨。何哉。此風起於
民間。達於宮禁。而宮禁之中。膳夫升於堂殿。婦女拜
於芳櫳。見無人不然也。且躡衣之俗。遍於天下。蛛絲
卜巧。亦列瓜果之中。而秩筵於明星之下者。初浥重
露。至日出方止。一段序七夕之事。因歎未嫁之女。當
秉心正直。防身執範。竭力機杼之事。雖未事舅姑。用
意織作。如是足矣。奈何信織女私期之說。而爲祈請。

乞巧耶不特女子也。卽君臣之合亦若是而已。咫尺未通。固當自守禮法。如夫婦之義。無至失身。雖大小不同。自有遇合之日。但戒在至公。無爲說遇而已。苟方圓一旦齟齬。丈夫雖多英雄。亦何益哉。一段正議。

弄熱簡寄崔評事十六弟

大火運金氣。荆揚不知秋。林下有塌翼。水中無行舟。千室但掃地。閉關人事休。老夫轉不樂。旅次兼百憂。蝮蛇暮偃寒。空牀難暗投。炎宵惡明燭。况乃懷舊丘。開襟仰內弟。執熱露白頭。束帶負苾刺。接居成阻脩。何當清霜飛。會子臨杜詩論支。

夔州三十六

江樓載開大易義。諷詠詩家流。蘊藉異時輩。檢身非苟求。皇皇使臣體。信是德業優。楚材擇杞梓。漢苑歸驪驪。短章達我心理。爲識者籌。

大火既運。金氣方來。天下皆秋矣。而荆揚南方。猶不知也。是以林下鳥不飛。水中舟不行。千家閉門掃地。無事可爲。六句寫其熱。老夫不樂者。以旅次多憂也。蝮蛇暮出。空牀不能暗上。不得不秉燭。又非炎宵所宜。况又內懷故丘。耶六句自序旅次開懷。惟仰此內弟耳。崔評事也。止以執熱而不及冠巾束帶。故接屏。

雖近遂成阻脩也何日清霜之晨會于江樓而講易
咏詩乎且子之蘊藉異於時輩檢身又非苟求而出
使於此信爲德業之優也一段寄崔評事楚材必擇
杞梓朝廷用爾矣漢苑方歸驛驢使還不遠矣故短
章寄懷當爲識者所許也識者指崔評事

兩三首

峽雲行清曉。烟霧相徘徊。風吹蒼江樹。雨灑石壁來。淒淒
生餘寒。殷殷兼出雷。白谷變氣候。朱炎安在哉。高鳥溼不
下。居人門未開。楚宮久已滅。幽佩爲誰哀。侍臣書玉夢。賦
杜詩論文

夔州三十六

有冠古才冥冥翠龍駕多自巫山臺

峽中雲行清曉而烟霧未開。共相繚繞也。繼而風吹
於江樹。繼而雨灑於石壁。而旣作而餘寒生。殷雷作
氣候已改。暑氣盡消。時序改矣。故鳥爲溼而不下。門
以寒而未開也。一段咏雨。因峽中雲雨。想陽臺之事。
而楚宮久廢。神女胡爲來哉。然楚王雖夢。亦以侍臣
有冠古之才。故傳至於今也。所以至今雲雨冥冥。若
有翠龍之駕。來自巫山之臺者。則一賦爲之耳。

青山淡無姿。白露誰能數。片片水上雲。蕭蕭沙中雨。殊俗

狀巢居曾臺倚風渚佳客適萬里沉思情延佇挂帆遠色
外驚浪滿吳楚久陰蛟螭出寇盜復幾許

此首因而念故人之南行也青山黯淡而無姿秋
山也白露浩下而難數秋露也斷雲行於水上故見
其片片疎雨落於沙間故聽其蕭蕭秋雨也四
句咏雨殊俗巢居故有竹臺而下俯風渚臨高望遠
對山有懷因念佳客之適萬里者沈思而行立想其
挂帆天外而驚波涉險蛟螭益賊種種可虞能忘情
乎

杜詩論文

夔州三十六

空山中宵陰微冷先枕席回風起清曉萬象萎已碧落落
出岫雲渾渾倚天石日假何道行雨含長江白連檣荊州
船有士荷戈戰南防草鎮慘霜溼赴遠役群盜下辟山總
戎備強敵水滾雲光廓鳴榔各有適漁艇息悠悠舞歌負
樵客畱滯一老翁書時記朝夕

此首因而念征戍之士也先從將而起中宵既陰
寒氣生於枕席及清早而回風已起萬物萎然矣萎

而猶碧者秋樹也於是有落落出岫之雲如渾渾倚
天之石山上之雲也而日車不知其何處而氣已連

於長江矣。八旬驟雨。江中有荊州之船。船中皆荷戈之士。蓋南防草鎮。而冒雨遠行耳。近因辟盜。下於辟山。奉總戎之令。往備強敵。故於水雲之中。鳴勝而行耳。一段序事。末言江中漁艇之彝節。山間樵客之歌。曠得以自遂。而我留滯於此。惟有書時。以記朝夕而已。

種蒿苳

既雨已秋。堂下理小畦。隔種一兩席。許蒿苳。向二旬矣。而苳不甲。圻獨野。竟青青。傷時君子。或晚得微祿。

杜詩論文

夔州三十六

轍軻不進。因作此詩。

陰陽一錯亂。驕蹇不復理。枯旱于其中。炎方慘如燬。植物半蹉跎。嘉生將已矣。雲霧歎奔命。師伯集所俊。指麾赤白日。湏洞青光起。雨聲先已風。散足盡西靡。山泉落滄江。霹靂猶在耳。終朝紆颯沓。信宿罷瀟灑。堂下可以唾。呼童對經始。苳兮蔬之常。隨事莠其子。破塊數席間。荷鋤功易止。兩旬不甲圻。空惜埋泥滓。野苳迷汝來。宗生實于此。輩豈無秋亦蒙寒。露委翻然出。地速滋蔓戶。庭毀因知邪。干正掩抑至。沒齒賢良難得祿。守道不封已。穠寒敗芝蘭。衆

多盛荆杞中國隘蕭艾老圃永爲恥登于白玉盤藉以如
霞綺竟也無所施何顏入筐篚

陰陽錯亂。驕蹇不能復理。而南方又甚者。植物蹉跎。
嘉蔬盡蕪也。六句說早忽而雲霞奔奏。風雨聽命。指
揮而白日藏。瀕洞而青光起。繼之以雨。且先之以風。
風挾雨而散足。雨因風而西靡。于是山泉下注。聲如
霹靂。大雨終朝而細者猶飛。十句說雨久旱而雨故
堂下可呼。呼童始以首爲常蔬。隨便可執。而數席
之地。爲功更易耳。孰知雨旬以來。竟不甲拆。而理沒

杜詩論文

夔州三十六
九

於泥滓耶。野竟則不種而生。聚族於此。此輩豈無肅
殺之時。反於寒露之中。翻然出地。滋蔓戶庭哉。一段
種首。因知邪易于正。正人終身挽抑。雖或得祿。而守
道爲重。其肯封已乎。四句正意見。不特一莖也。野竟
之盛。勢必擁敗。芝蘭多如荆杞。使中原皆爲蕭艾。老
圃用以爲恥矣。然登於玉盤。藉以霞綺。又何所用。竟
哉。竟亦可以已。終以種首事帶正意結。

晚晴

晚照斜初徹。浮雲薄未歸。江虹明遠飲。峽雨落餘飛。鳧鶴

終高去。熊羆覺自肥。秋風客尚在。竹露夕微微。

晚照既斜。且於天邊透。出浮雲雖盡。尚有薄者未歸。長虹見而雨止。映江則知其遠。飲秋雨止而復落。人峽猶見其餘飛也。四句晚晴之景。急掃畏泥。故終高去。熊羆隱霧。故覺自肥。二句積雨之後。乃秋風而客猶未去。又見竹露微微。時已夕矣。

宿江邊閣

暝色延山徑。高齋次水門。薄雲巖際宿。孤月浪中翻。鶴鶴追飛盡。豺狼得食喧。不眠憂戰伐。無力正乾坤。

杜詩論文

夔州三十六

暝色尚存於山徑。喚起宿字。高齋適當於水門。江邊閣也。薄雲不飛而巖際如宿。江流洶湧而月影如翻。二句閣前之景。鶴鶴夜歸。追飛已盡。豺狼夜出。饕餮爭喧。二句一宿所聞。見因豺狼而思戰伐。欲反正乾坤。自慙無力也。二句一宿之心事。

白鹽山

卓立群峰外。蟠根積水邊。他皆任厚地。爾獨近高天。白牂千家邑。清秋萬估船。詞人取佳句。刻畫竟誰傳。

其上則卓立峰外。其下則蟠根水邊。他山即群峰也。

肯披陀而親地爾獨高聳而近天應首句山上有白
勝于家之邑水邊則清秋萬客之船應第二句其雄
渾如此而詩人但取佳句止於小處刻畫何足傳耶

灤瀨堆

巨石水中央江寒出水長沉牛答雲雨如馬戒舟航天意
存傾覆神功接混茫干戈連解纜行止憶垂堂

巨石即灤瀨堆也而在水中至江寒水落則出水
者多矣而神之所憑則禱雨沉牛楚人舊俗亦列於
祀典記之所載則此石如馬霍賸難下每戒於舟航
則于戈去則險阻行止皆可慮乎

杜詩論玄

夔州二十六
十一

四句咏完又言三峽萬里直下藉此少阻其勢天意
亦以存傾覆耳而大禹疏鑿之功已接天工矣柰在
則于戈去則險阻行止皆可慮乎

瞿唐懷古

西南萬壑注劼敵兩崖開地與山根裂江從月窟來削成
當白帝空曲隱陽臺疏鑿功雖美陶鈞力大哉

萬壑從西南注此其勢甚大此山則兩崖阻塞止開
一門與爲劼敵也故地且與山根共裂兩崖開也江
則從月窟遠來萬壑注也所以削成之崖正當白帝

而空曲之處尚隱陽臺耳夫大禹疏鑿之力雖美終是天地鈞陶之力也豈人力所能至哉

黃草

黃草峽西船不歸赤甲山下行人稀秦中驛使無消息蜀道兵戈有是非萬里秋風吹錦水誰家別淚溼羅衣莫愁劍閣終堪據聞道松州已被圍

黃草峽西船既不歸水道阻矣赤甲山下行人又稀陸路梗矣秦中驛使消息斷絕亦以蜀中兵戈是共候變也此時正有徐知道之亂也惟道阻故舟楫不

杜詩論文

夔州三十六十二

歸但見風吹江水惟兵戈故流離者衆誰家別淚又懸乎然劍閣可據徐知道之亂猶小今松州被圍吐番之患更切也六句於結句承明

陪栢中丞觀宴將士二首

極樂三軍士誰知百戰場無私齊綺饌久坐密金章醉客霑鸚鵡佳人指鳳凰幾時來翠節特地引紅粧

今日之宴人見三軍極樂誰知從百戰而得哉下六句俱寫宴事主將無私故將饌如一偏裨皆貴故金葉爲多也於是坐客霑鸚鵡之盃佳人披鳳凰之曲

諸將雖不能旌節之即來已爲列紅粧而開宴矣

繡段裝簷額金花帖鼓腰一夫先舞劍百戲後歌樵江樹
城孤遠雲臺使寂寥漢朝頻選將應拜霍嫖姚

接上前四句俱寫宴事繡段裝簷金花帖鼓器物之

華也先之舞劍終於樵歌樂舞之盛也乃南望荊州

則江城孤遠北思帝闕則漢使寂寥今朝廷正思求

將當拜霍去病其人者乃空高宴於此耶

奉漢中王手札報韋侍御蕭尊師亡

秋日蕭韋逝淮王報啖中少年疑杜史多術怪仙公不但

杜詩論文

夔州三十六
十三

時人惜祇應吾道窮一哀侵疾病相識自兒童處處鄰家
笛飄飄客子逢強吟懷舊賦已作白頭翁

秋日而韋蕭逝矣蓋淮王之報始知之也杜史少年

固可疑也貼韋仙公多術不益怪乎貼蕭下總承不

但時人共惜亦以吾道應窮耳序事已完我則一哀

而疾病頓加亦以相識而兒童有舊也况鄰笛飄揚

客途蓬轉

矣

覽鏡呈栢中丞

渭水流關內終南在日邊
膽消豺虎窟淚入天起晚
堪從事行遲更覺仙鏡中
衰謝色萬一故人憐

有懷渭水關內長流回望終南日邊空遠所以膽銷
兵戈之間淚灑烏蠻之地也今且老矣起雖晚而尚
堪從事行雖遲而猶復翮仙因歎顏色已老故人能
憐我乎有望於楮中丞也前六句言懷末二句乃入
題

聽楊氏歌

佳人絕代歌獨立發皓齒滿堂慘不樂響下青虛裏江城

杜詩論文

夔州三十六十四

帶素月况乃清風起老夫悲暮年壯士淚如玉孟久寂
冥金管迷官徵勿云聽者疲愚智心盡死古來傑出士豈
待一知己吾聞昔秦青傾側天下耳

佳人絕代當筵而歌音容俱妙矣獨立發皓齒曲高

寡和正見其絕代也滿堂動容歌聲飄渺况值素月

良宵既佳又起清風歌聲益遠江城帶點夔州也是

以老夫聽之既堪悲悼即壯士聞此亦且傷心故玉

腸不銜金管停聲不但聽者心疲凡為智為愚至此

心已死矣一段完題下盡接愚智句因言古來豪傑

豈待一知已乎。即以歌言之。昔有秦青。使天下之耳。無不傾聽。則有其才者。天下所共見也。推闡結。

杜詩論文

夔州三十六
十五



杜詩論文
夔州三十六
十五

杜詩論文三十七

吳

武進吳見思齊賢注

宜興潘眉元白評

武進董元愷舜民參

唐代宗大曆元年秋夔州

秋日夔府詠懷奉寄鄭監李賓客之芳一百韻

絕塞烏蠻北孤城白帝邊飄零仍百里消渴已三年
椎劍鳴開匣群書滿繫船亂離心不展衰謝日蕭然
筋力妻孥問葦華歲月遷登臨多物色陶冶賴詩篇
啜末滄江起巖

杜詩論文

夔州三十七

排古樹圓拂雲霾楚氣潮海蹴吳天煮井爲鹽速燒畝度
地偏有時驚疊嶂何處覓平川鷓鴣雙雙舞獼猴壘壘懸
碧蘿長似帶錦石小如錢春草何曾歇寒花亦可憐獵人
吹戍火野店引山泉喚起搔頭急扶行幾屐穿西京猶薄
走四海絕隨肩幕府初交辟郎官幸備員爪時猶旅寓萍
泛若負緣藥餌虛狼籍秋風灑淨便開襟驅瘴厲明目掃
雲烟高宴諸侯禮佳人上客前哀箏傷老大華屋艷神仙
南內開元曲當時弟子傳法歌聲變轉滿坐涕潺湲節督
子李仙奴歌 弔影夔州僻回腸比曲煎節督今龍鹿水京西

龍鹿門苑馬門也
渭水流苑門外

莫帶

羶耿買扶王室蕭曹拱御筵

秉威滅蜂蟻戮力最鷹鷂物森猶在凶徒惡未悛國須

行戰伐人意止戈鉞奴僕何知禮恩榮錯與權 星一羣

字黔首遂拘孿哀痛綵綸切煩苛法令蠲業成陳始王兆

喜出于咬官禁經綸密台階翊戴全熊羆載呂望鴻鴈美

周宣側聽中興主長吟不世賢音徽一柱數道里下牢千

鄭在江陵
李在孫陵鄭李光時論文章並我先陰何尚清省沈宋歛

聯翩律比崑崙竹音知燥溼絃風流俱善價愜當久忘筌

置驛常如此登龍蓋有焉雖云隔禮數不敢墜周旋高視

杜詩論文

夏州三十七

收人表虛心味道立馬來皆汗血鶴唳必青田羽翼商山

起蓬萊漢閣連管寧紗帽淨江令錦袍鮮東郡時題壁南

湖日扣舷遠遊臨絕境佳句染華牋每欲孤飛去徒爲百

慮牽生涯已寥落國步尚迤邐衾枕成蕪沒池塘作棄捐

平生多病卜築遺僕因遭亂離故
衰處真安之地皆無及棄捐也別離憂怛怛伏臘涕漣

漣露菊斑豐鎬秋蔬影澗瀝共誰論昔事幾處有新阡富

貴空回首喧爭懶著鞭兵戈塵漠漠江漢月娟娟局促看

秋燕蕭疎聽晚蟬蕙蟲夢記憶烹鯉問沉綿卜羨君平杖

偷存子敬遺囊虛把釵釧米盡拈花鈿甘子陰涼葉茅齋

八九椽障圍沙北岸市暨濱西顯市暨麥人語也市井市

通止公處居人謂之濱 羈絆心嘗折棲遲病卽痊紫收氓嶺芋白種

陸池蓮色好梨勝頰穰多粟過拳勑廚唯一味求飽或三

鱸兒去看魚筍人來坐馬羈縛柴門窄窄通竹潤涓涓壑

抵公畦稜材依野廟埽缺籬將棘拒倒石賴藤纏借問頰

朝謁何如穩晝眠誰云行不逮自覺坐能堅霧雨銀章澁

馨香粉署妍紫鸞無近遠黃雀任翩翾因學違從衆明公

各勉旃聲華夾宸極早晚到星躔懇諫畱匡鼎諸儒引服

虔不過輪輿直會是正陶甄宵旰憂虞軫黎元疾苦駢雲

杜詩論文

夔州三十七

臺終日畫青簡爲誰編行路難何有招尋典已專由來具

飛檝暫擬控鳴弦身許雙峰寺門求七祖禪落帆追宿昔

衣褐向眞詮安石名高晉鄭高簡得講太傅之風 昭王客赴燕李宗觀有

燕昭之美燕周之喬也 途中非阮籍查上似張騫披拂雲寧在淹留

景不延風期終破浪水怪莫飛涎他日辭神女傷春怯杜

鵬淡交隨聚散澤國遶迴旋本自依迦葉何曾藉偃佺鑑

峰生轉眄橘井尚高寨東走窮歸鶴南征盡踏鳶晚聞多

妙教卒踐塞前愆顧釐丹青列頭陀瓊瑤鏤泉香深黯黯

幾地肅芊芊勇猛爲心極清羸任體尋金篋空刮眼鏡象

未離銓

免。塞在烏蠻境。北孤城。當白帝山邊。我自雲安而來。飄零又復百里止。因消渴之疾。不覺又住三年也。四句一篇之主。開匣而確劍鳴。繫船而群書滿。而未得行者。乃以亂離之故。心事未遂。而興味蕭然也。下頂衰謝。可筋力日銷。每動妻孥之間。菁華日去。已同歲月之流。惟藉登臨銷憂。詩篇遺興而已。一段咏懷之故。其山川則峽束而滄江自湧。岩上之古樹多圓。拂雲而楚氣東來。潮海與吳天共湧。其民則煮井爲鹽。

夔州三十七

杜詩論文

大耕度地。其地則但多叠嶂。無有平川。其物則鷓鴣雙飛。獼猴常見。碧蘿如帶。錦石如錢。春草不衰。寒花未歇。其俗則戍火時然。山泉遠引。一段序夔府我旅寓於此。愁思多睡。喚起而搔頭。衰病懶游。扶行而穿屐。因念西京。雖有薄田。四海已無兄弟。卽幕府支碎。卽官備員。而瓜期不能赴。萍泛無黃緣。徒置身於藥餌之中。幸瀟灑於秋風之內。侍襟期曠而牽羸已馳。耳目清而烟雲盡掃矣。然雖詣侯見禮。佳麗開筵。無柰聽哀箏而徒傷老大。列華屋而空覺神仙。况所歌

者南內開元之曲為當時弟子之所傳者流傳漸失
聞之而四座涕流也一段自序於是甲影夔州回思
杜曲卽今龍庇之水想猶爲吐蕃所染乎惟望耿賈
蕭曹之輩秉威戮力滅蜂蠆逐鷹鷂耳乃舊物雖存
凶徒猶肆而國家必行戰伐百姓久已苦兵矣如祿
山奴僕之才何知禮法亦一時誤用得竊威靈以致
妖星出現黔首罹殃耳猶幸新主旣興下哀痛之詔
蠲法令之煩王業旣成于田叶夢官禁有窹勿之佐
台階有翊戴之臣猶呂望佐命宣王中興使天下傾

杜詩論支

夔州三十七

五

耳長吟想望歸命也一段序時事以上皆秋日咏懷
一柱觀邊音徽數至鄭監也下牢江上道里尚遙李
賓客也此二人者公論一時所予文章在我之先下
按文章詩句則清省如陰何比有於沈宋且叶韻合
於律呂知音辨於燥溼句法風流旣當善價用事慳
當更久忘筌也六句言其詩文好客置驛君常如是
鄭也登龍為我蓋幸有焉李也貴賤之殊禮數雖隔
而朋知之舊敢闕周旋乎而君則高視天下廣收人
群更復虛心以領道要門下之士有馬皆汗血有鶴

必青田無非出群之才也。故德業則羽翼如商老，太子賓客也。漢闈入荃菜秘書監也。管寧紗帽用徵聘事。鄭監也。江今錦袍用太子家令事。李賓客也。而乃空於東郡題詩。江陵也。南湖泛棹。尋陵也。止因遠游絕境。故佳句益多耳。一段寄鄭李。我每欲飛去。而不能徒有百慮之縈繞。下卽百慮也。生涯旣已寥落。國步尚爾迤邐。故寢處游宴之地。盡已棄捐。而別離伏臘之懷。每多憂淚。遙想豐鎬。滙景物如故而時事已非。故人彫謝矣。是以富貴何時。空多回首。而喧爭

杜詩論文

夔州三十七

之地。懶於著鞭也。一段思故鄉。今則兵戈之塵未盡。江漢之月空圓。局促而羨秋燕之飛。蕭疎而聽晚蟬之慘。卽或詞賦有人記憶。問疾時寄尺書。而杖頭無錢。青瓊空在。至囊空糧絕。而賣釵釧。拆花釧。窮亦甚矣。故甘林之下。尚存茅齋數椽。在於陣闔沙岸。市壘瀼西之間。雖羈絆而心折。終以棲遲而病痊。且菘芋種蓮。採梨收粟。魚筍可以謀餐。馬鶻可以薦坐。縛柴爲門。剝木引泉。苟且度日。而所云茅齋者。不過在公田之側。依野廟之垣。缺籬棘補。倒石藤纏。如是而已。

又轉而自笑曰。在朝而多朝。過何如在野而便畫。雖未必行能。不逮而業已高。坐能堅矣。是以銀章不用。而長湓粉署不入。而空妍。彼紫霄之鸞。朝野皆爲。瑞然枋榆之雀。何天不可飛乎。一段序近事。我之困學。旣已違衆。承上公之事業。各當勉旃。起下聲名。旣微朝廷。早晚自當進用。宜優容直臣。登進儒術。不過輸鯁直之忠。已足鈞幽萬物矣。况今日朝廷焦勞。蒼生疾苦。而雲臺空畫。青簡誰縮。需賢正急。二公則安於所遇。已忘行路之難。但有拾尋之興。是以舟楫雖

杜詩論文

夔州三十七

具適。值吐番之變。且入寺逃禪。落帆而追昔游。披褐而求真諦耳。其如安石名高。燕胎望重。窮途原井阮籍。乘查已似張鷟。而白雲不爲久留。時日不容再假也。於是破浪而前。妖螭屏跡矣。一段序鄭李我亦將辭神女之峰。久屢聽杜鵑之响。雖君子淡交。不在聚首。而東南澤國。從此回旋。蓋我係佛氏之徒。未學神仙之術。由是直下荆門。而躡峰目前。俯非高邁。至東海而窮歸鶴。不復南征。而見姑鶻矣。况公方求禪。我亦晚聞妙教。當牽踐宿願。以稟前愆也。應迦葉句。荆

南頭陀寺之中有顧愷丹青頭陀妙偈衆香黯淡十
地尊嚴自當一心勇猛精進卽弱體不勝亦所不顧
矣顧金鏡雖能刮眼象教未離言詮還須更進一層
求出頭地耳一段以自序結迦葉頭陀等句俱從雙
峰七祖句落下

存歿口號二首

四子皆遊於藝故甫志之

席謙不見近彈碁畢曜仍傳舊小詩

道士席謙吳人善彈碁畢曜善爲小詩

玉局他年無限笑白楊今日幾人悲

席謙之彈碁不見歿者也畢曜之小詩猶傳存者也

杜詩論支

夔州三十七

存者於玉局相逢猶應共笑匹者則墓木已拱誰爲

悲弔乎逐句分頂下同

鄭公粉繪隨長夜曹霸丹青已白頭

高士樂陽鄭虔善畫山水曹霸魏曹髦之

天下何曾有山水人間不解重驪驪

鄭公之粉繪久隨長夜歿者也曹霸之丹青今已白

頭存者也鄭公旣歿已無山水矣曹霸雖在又誰卓

共畫馬乎

送十五弟侍御使蜀

喜弟文章進添余別興牽數盃峽酒百文內江船未息

豺狼關空催犬馬年歸朝多便道搏擊望秋天

久別而見故喜文章之進。相見而又別故添別興之

牽也。乃巫峽之酒未完內江之船又上二句寫送內

江入蜀之路也。我之滯幾年以兵戈未靖而歲華

空去耳。二句自序爾若歸朝自多便道。則秋天搏擊

正其時爾。點明侍御

送李功曹之荊州克侍御判官重贈

曾聞宋玉宅每欲到荊州此地生涯晚遙悲水國秋孤城

一柱觀落日九江流使者雖光彩青楓遶自愁

杜詩論文

夔州三十七

前聞宋玉之宅欲往荊州而未去者以此地之生涯

晚故遙悲水國之秋耳水國指荊州也四句自序

荊州之地孤城有一柱之觀落日照九江之流今李

為侍御奉使雖多光彩而青楓落木每能愁人如之

何哉四句送李

別崔溟因寄薛璩孟雲卿

內弟溟赴湖南幕疏

志士惜安動知深難固辭如何久磨礪但取不磷緇風夜

聽羸主飛騰急濟時荊州遇薛孟為報欲論詩

志士雖不妄動然知己之深不能固辭也故涉世久

而磨礪已多吾道存而磷緇自免况夙夜所聞無非
憂主之言則飛騰在今豈無濟時之策乎六句別崔
下二句寄薛孟倚於荊州相見爲報欲與論詩也

巫峽敝廬奉贈侍御四舅別之澧朗

江城秋日落山鬼閉門中行李淹吾舅誅茅問老翁赤眉
猶世亂青眼只途窮傳語桃源客人今出處同

江城秋日落寒且晚矣故閉門而山鬼橫行也二句
寫敝廬之光索乃於此淹吾舅之行季問老翁而托
居哉因世亂未平盜賊猶橫誰爲青眼但有途窮而

杜詩論文

夔州三十七

已今往澧朗則桃源而逢避世之客則出處之道古
今一轍吾亦將隱矣二句送別點明澧朗

君不見簡蘇徠

君不見道邊廢棄池君不見前者摧折桐百年死樹中琴
瑟一斛舊水藏蛟龍丈夫蓋棺事始定君今幸未成老翁
何幸憔悴在山中深仙窮谷不可處霹靂颺颺兼狂風

道邊廢池釁下折桐皆爲人所棄孰知折桐有琴瑟
之材廢池爲蛟龍之窟乎物既如此人亦宜然故丈
夫事業蓋棺方定不可以一時摧折輕量天下士也

君尚未老正可有為廢人棄山中而山中又不可處何爲久於此乎

贈蘇四使

異縣昔同遊各云厭轉蓬別離已五年尚在行李中戎馬日衰息乘輿安九重有才何棲棲將老委所窮爲郎未爲賤其奈疾病攻子何面黧黑焉得豁心胸巴蜀倦剽劫下愚成土風幽薊已削平荒徼尚彎弓斯人脫身來豈非吾道東乾坤雖寬大所適裝囊空肉食嚼菜色少壯欺老翁况乃主客間古來偏側同君今下荆揚獨帆如飛鴻二州杜詩論文

夔州三十七
十一

豪俠場人馬皆自雄一請甘飢寒再請甘養蒙

昔與子同遊異縣之時已俱厭轉蓬矣乃別去五年猶然飄泊乎四句總起兵戈稍息乘輿反正正有才見用之時而棲棲道路者亦以將老而委命甘貧耳故爲郎雖不賤而抱病不能行也今見子亦久於風塵面目黧黑焉得開懷耶一段自序巴蜀剽劫成風

下愚之人若爲固然是以幽薊旣削平而此方稍帖

惡子得脫身而來吾道東矣一段贈蘇蘇自蜀中來也又言天地雖大所往皆因富者欺貧少者欺老况

彼主我客偏側莫容自古然也一段序客游。今君下
荆揚一往直前而荆揚為豪俠之地人馬雄壯其遇
合間不必言但當亂時世不可恃才先須立品一當
甘貧再當養晦無致失身也應已蜀六句

別蘇僊赴湖南幕

故人有遊子棄擲傷天隅他日憐才命居然屈壯圖十年
猶塌翼絕倒為驚呼消渴今如在提攜愧老夫豈知臺閣
舊洗拂鳳凰雛得食翻蒼竹棲枝把翠梧北辰當宇宙南
嶽據江湖國帶烟塵色兵張虎豹符數論封內事揮發府
杜詩論文

中趨贈爾秦人策莫鞭轅下駒

夔州三十七
十二

故人之子飄泊天隅雖他日之才命未窮奈今日之
壯圖已屈故十年塌翼每為驚歎而抱病番滯愧不
能捉搦也一段序蘇僊後幸有臺閣故人獨加洗拂鳳
雛點故人子也下卽借鳳雛帶下依棲得所正可翺
翔况朝廷之上北辰居宇宙之中荆揚之間南岳據
江湖之要而國家有烟塵之警軍中須虎豹之韜子
於此數論時事發揮其才行可見矣一段赴湖南幕
故贈爾以秦人之策莫但鞭轅下之駒也二句贈別

壯遊

往者十四五出遊翰墨場斯文崔魏徒

崔鄭州尚魏豫州啟心

以我

似班揚七齡思卽壯開口詠鳳凰九齡書大字有作成一

囊性豪業嗜酒嫉惡懷剛腸脫略小時輩結交皆老蒼飲

酣視八極俗物多茫墜東下姑蘇臺已具浮海航到今有

遺恨不得窮扶桑王謝風流遠闔廬丘墓荒劍池石壁仄

長洲芰荷香嗟哦閨門北清廟映迴塘穿趨吳泰伯撫事

淚浪浪枕戈憶勾踐渡浙想秦皇蒸魚聞七首除道哂栗

章越女天下白鑑湖五月涼剡溪蘊秀異欲罷不能忘歸

杜詩論文

夔州三十七十三

帆拂天姥中歲貢舊鄉氣崩屈賈壘目短曹劉牆忤下考

功第獨辭京尹堂放蕩齊趙間裘馬頗清狂春歌叢臺上

冬獵青丘旁嘯鷹阜樾林逐獸雲雲岡射飛會縱鞞引臂

落鵝鶻蘇侯據鞍喜

監門曹蘇預

忽如攜菖彊快意八九年西

歸到咸陽許與必詞伯賞遊實賢王曳裾置醴地奏賦入

明光天子廢食召群公會軒裳脫身無所愛痛飲信行藏

黑貂寧免敝班鬢元稱觴杜曲晚耆舊四郊多白楊坐深

鄉黨敬日覺死生忙朱門任傾奪赤族迭摧殃國馬竭粟

豆官糶輸稻梁舉隅見煩引古惜興亡河朔風塵起岷

山行幸長兩宮各警蹕萬里遙相望
峒殺氣黑少海旌旗黃禹功亦命子
涿鹿親戎行翠華擁吳嶽螭虎嘍豺狼
爪牙一不中兵更陸梁大軍載草草彫瘵
滿膏肓備員竊補袞憂憤心飛揚上感九
廟焚下憫萬民瘡斯時伏青蒲廷爭守御
牀君辱敢愛死赫怒幸無傷聖哲體仁恕
寓縣復小康哭廟灰燼中酸鼻朝未決小
臣議論絕老病客殊方鬱鬱苦不展羽翮
困低昂秋風動哀壑碧蕙損微芳之推避
賞從漁父濯滄浪榮華敵勲業歲暮有嚴
霜吾觀鷓鴣子才格出尋常群兇逆未定
側佇英俊翔

杜詩論文

夔州三十七
十四

記十四五時已出遊歸墨場而斯文領袖如崔如魏
卽以班揚相許况七齡咏詩九齡書字而所采所書

共成一囊矣但性豪嗜酒剛腸嫉惡故脫略時輩結
交老成而酒酣之後仰視八極俗物茫茫不入眼底
也一段從小時起於是東下姑蘇意欲浮海猶恨未

窮扶桑而東吳之勝無不閱歷如王謝之風流旣往
闔廬之丘墓已荒所存者劍池石壁長洲荷芰而已

閶門之北廻塘之上秦伯之清廟在焉於此弔古傷
懷又思勾踐之枕戈秦王之渡浙專諸之匕首買臣

之露。綴其事。在其人。往矣。止。有越女。撞名。鑑湖。尚在。剡溪。之秀。迄今。不忘也。一。段。吳越之壯游。自此。從天。

姥而歸。貢於舊鄉。已足氣懾。賈屈。目短。曹劉矣。而忤。時下第。遂辭京尹。從此。放浪。齊趙之間。裘馬。翩翩。春。歌叢臺。冬獵。青丘。呼鷹逐獸。射飛。馳馬。相知。有蘇侯。每所嘉嘆。如是。八九年。始歸。咸陽耳。一段。齊趙之壯。游。既歸。咸陽。許與者。詞伯。游賞者。賢王。不特。於王門。曳裙。置醪。乃奏賦。而天子。召見。赴試。而群公。畢集。而。又脫身。富貴。惟以。痛飲。爲事。故黑貂。弊。班鬢。見。未幾。

杜詩論文

夔州三十七
十五

杜曲之耆舊已少。四郊之丘隴已多。年齒日長。故坐。次日高。彫謝既多。則死生可感。此時朝廷多故。而朱。門日見傾奪。赤族日見羅殃。而罔馬也。官難也。舉一。事而煩費已多矣。我雖職非諫官。惟有咏古作詩。以。寓諷諫而已。一段。咸陽之壯游。及河朔亂。兵蜀山行。幸兩宮。各地。萬里不通。肅宗於啞峒起兵。玄宗傳位。冊立。於是親行征伐。建翠華。擁熊虎。將以殄滅豺狼。而爪牙。偶爾不中。反致安史。陸梁。是以大軍奔潰。百。姓彫傷也。我時備員諫省。心切憂憤。上痛九廟。下憫。

萬民遇事廷諍。雖主辱臣死。而聖度復容。故縣寓復定。幸敦小康。復京而哭廟。危從而朝京也。一撥諫省之壯游。今則小臣貶而議論絕於朝廷。老病增而殊方久已。雷滯鬱鬱不展。羽翮困辱。秋風既起。碧蕙方彫。則之推既不受賞。漁父自甘獨清矣。因嘆榮華雖可願。必與勲業相副。我何爲哉。轉眼而歲暮嚴霜。又過一年矣。一段序近事。我雖已矣。定亂之才。必待范蠡之輩。今群兇未定。所當側席而求者也。嗚。葬子。仍挽照東吳事結。

杜詩論文

夔州三十七十六

白帝

白帝城中雲出門。白帝城下雨翻盆。高江急峽雷霆鬪。古木蒼藤日月昏。戎馬不如歸馬逸。千家今有百家存。哀哀寡婦誅求盡。慟哭秋原何處村。

白帝城在山上。雲從城中而出。雨反從山下而注矣。

江水暴漲。峽隘束之。故如雷霆之鬪。頂雨翻盆。藤木

蒼蔚。雲氣蒼之故。日月爲昏也。頂雲出門。征戍多故。

戎馬羨歸馬之逸。賦歛重。故千家僅百家之存。所以

誅求及於寡婦。而不矧慟哭何處耳。此乃因白帝之

雨威懷非咏白帝也

雨

萬木雲深隱。連山雨未開。風扉掩不定。水鳥過仍迴。鮫館如鳴杼。漁舟豈伐枚。清破炎毒衰。意欲登臺。

萬木雲埋。雲重故雨未開也。雨甚則多風。故門掩而不定。門開則見鳥。看其已過而仍迴也。江間雨響如鼓。宮之鳴杼。山間雨阻。漁舟豈得採樵。然炎威之後。繼以清涼。筋力雖衰。復作登臺之想耳。

雨晴

杜詩論文

夔州三十七

雨晴山不改。晴罷峽如新。天路休殊俗。秋江思殺人。有猿揮淚盡。無犬附書頻。故國愁眉外。長歌欲損神。

承上首。初雲雨連山。山失故態。及雨晴而山猶如故。然雨洗而山色一新矣。雨晴止二句。下俱感懷。天路可行。乃休駕於殊俗。秋江可愛。又無奈其愁人也。雖有猿可悲。而揮淚已盡。無犬可往。則寄書不類。遙望故國。在愁眉之外。故長歌未免傷神耳。

垂白

垂白馮唐老。清秋宋玉悲。江喧長少睡。樓迥獨移時。多難

身何補無家病不辭甘從舌醉未許七哀詩

老如馮唐悲如宋玉所處之地則又江喧而令人少

睡樓高而令人傷懷手因笑時方多難身將何補頂垂白二句我已無家病亦不辭頂江喧二句是以且從痛飲不必傷心也

洞房

洞房環珮冷玉殿起秋風秦地應新月龍池滿舊宮繫舟今夜遠清漏往時同萬里黃山北園陵白露中

洞房之中已無環珮玉殿之內但起秋風虛無人矣

杜詩論文

夔州三十七十八

是以秦地應有新月無如舊宮化作汗池也下四句感懷我繫舟於此身在遠方聽清漏未殘依然昔日回望萬里黃山之北園陵蕭瑟能不悲乎想拾遺待漏而念肅宗也

宿昔

宿昔青門裏蓬萊仗數移花驕迎雜樹龍喜出平池落日留玉母微風倚少兒宮中行樂秘少有外人知

以下三首皆思玄宗時事也以宿昔二字貫下青門之裏蓬萊移仗行幸不常故驕而迎駕者雜樹之花

春而出游者乎池之龍此時落日而雷王母秦虢夫
人也微風而倚少兒貴妃也此皆想像之詞宮中秘
樂豈外人所知乎

能畫

能畫毛延壽投壺郭舍人每蒙天一笑復似物皆春政化
平如水皇恩斷若神時時用抵戲亦未雜風塵

能畫有延壽之流投壺有舍人之輩投壺則每蒙一
笑能畫則真物皆春二句分頂天笑事借用因言苟
政化和平皇恩英斷雖角抵日進於前豈使風塵變
亂乎傷當時之不然也

杜詩論支

夔州三十七
十九

鬪雞

鬪雞初賜錦舞馬旣登牀簾下官人出樓前御柳長仙游
終一闕女樂久無香寂寞驪山道清秋草木黃

鬪雞賜錦舞馬登牀而鬪雞舞馬之時簾下官人出
看官中也樓前御柳初長春時也乃玄宗旣爾上仙
女樂久已散失而驪山道上已寂寞秋風矣

歷歷

歷歷開元事分明在眼前無端盜賊起忽已歲時遷巫峽

西江外秦城北手邊為郎從白首病數秋天

承上三首云開元之事歷歷眼前也盜賊忽起年月

頻更我留三峽猶在西江之外回望京師遠在北斗

之間也因嘆既已為郎遂爾白首而臥病於此又數

年矣七首一連此首承上起下

洛陽

洛陽昔陷沒馬犯潼關天子初愁思都人慘別顏清笳

去宮闕翠蓋出關山故老仍流涕龍髯幸再攀

以下三首同上盜賊一句亂後之事洛陽昔既陷

杜詩論文

夔州三十七

沒祿山直犯潼關此時天子愁思都人慘別情景不

堪也至今日官闕之笳聲已去關山之乘輿已還故

老望之涕淚而喜龍髯之再攀矣

驪山

驪山絕望幸花萼罷登臨地下無朝燭人間有賜金鼎湖

龍去遠銀海鴈飛深萬歲蓬萊日長懸舊羽林

驪山之望幸已絕花萼之登臨已罷矣地下既無曉

日長住不歸人間尚有賜金感恩未已也乃鼎湖之

飛龍久去塚中之銀鴈空埋止餘此萬歲蓬萊之日

長熙於園陵羽衛之問而已入句一直下

提封

提封漢天下萬國尚同心借問懸軍守何如儉德臨時徵
倭人入莫慮天羊侵願戒兵猶火恩加四海深

因言方輿與漢比隆萬國人心未去與其懸軍守險
何如儉德化民乎而且時明求賢之心寇盜自應屏
跡則兵猶火也自古戒之苟能息兵愛民而四海有
不畏懷者哉此首以正議結

吾宗

衍含昔
崇簡

杜詩論文

夔州三十七
二十一

吾宗老孫子質朴古人同耕鑿安時論衣冠與世同在家
常早起憂國願年豐語及君臣際經書滿腹中

吾宗之孫子其分雖卑而亦旣老矣年足重也且質
朴可風品足重也下四句寫其質朴安于耕鑿不爲
時論所搖正其衣冠不必與世立異且勤于治家深
于憂國而語及君臣之際學問又極淵博非藏拙避
世之流正見其可也末二句頂夔州八句俱咏崇
簡故無贈字

第五弟豐獨在江在迤西載絕無消息寬使寄此二

首

亂後嗟吾在羈縻見汝難
草黃騏驥病沙晚脊令寒楚設
關城險吳吞水府寬十年朝夕淚衣袖不曾乾

幾經喪亂存止難必而歎吾猶在也方在羈縻更深
相憶而見汝爲難也騏驥之病我方困頓脊令之寒
汝亦淒涼且楚地之險汝來不易吳水之濶我往殊
難四句分頂所以十年別淚今猶未乾也

聞汝依山寺杭州定越州風塵淹別日江漢失清秋影著
帝猿樹魂飄結蜃樓明年下春水東盡白雲求

杜詩論文

夔州三十七
二十二

初聞汝依樓山寺無家也今不知消息矣然想其踪
跡非杭州則越州也總以天下之亂故久別之日以
至淹留遂使江漢之間而清秋之景盡失也所以影
在啼猿之樹啼猿點楚地魂飄如結蜃之樓蜃樓點
吳地然相思之功當趁春水之便東下相尋矣二句
是寄

名水依樓十年贈

身亦隨風良如也

杜詩論史三十八

武進吳見思齊賢注

宜興潘眉元白評

武進董元懜舜民夢

唐代宗大曆元年秋夔州

偶題

文章千古事。得失寸心知。作者皆殊列。名聲豈浪垂。騷人
嗟不見。漢道盛於斯。前輩飛騰久。餘波綺麗爲。後賢兼舊
例。歷代各清規。法自儒家有心從。弱歲疲永懷。江左逸多
杜詩論文

夔州三十八

病。鄴中奇。驟。驥。皆。良。馬。麒麟帶好兒。車輪徒已斲。堂構惜
仍。虧。謾。作。潛。夫。論。虛。傳。幼。婦。碑。緣。情。慰。漂。蕩。抱。疾。屢。遷。移。
經。濟。慚。長。策。飛。棲。假。一。枝。塵。沙。傷。蜂。蠆。江。峽。繞。蛟。螭。蕭。瑟
唐。虞。遠。聯。翮。楚。漢。危。聖。朝。兼。盜。賊。異。俗。更。喧。甲。鬱。鬱。星。辰
劍。蒼。蒼。雲。雨。池。兩。都。闈。幕。府。萬。里。插。軍。麾。南。海。殘。銅。柱。東
風。避。月。支。音。書。恨。烏。鵲。號。怒。怪。熊。羆。稼。穡。分。詩。興。柴。荆。學
土。宜。故。山。迷。白。閣。秋。水。憶。皇。陵。不。敢。要。佳。句。愁。來。賦。別。離。

此詩論文之作也。文章千古之事。得失我自知之。故

作着無不出羣。而聲名不可虛得。四句總起。古人雖

往詩道方興前輩之飛騰既久而俾波惠及後人後
人即前輩之舊例宗歷代之清規法雖儒家自有而
吾心積學心從弱歲已疲矣下按歷代等句永懷江
左之逸王謝諸公也尚念鄴中之奇曹氏父子也羣
賢畢集則駮耳無非良馬頂江右句父子繼美則麒
麟亦帶好兒頂韜中句一段咏古我讀古人之書如
車輪之徒劉不能嗣祖父之業惜堂構之尚虧公祖
審言初唐名家也是以漫作潛夫之論虛傳幼婦之
碑不過緣情之作以慰漂蕩更兼抱疾之故遂屢遷

杜詩論文

夔州三十八

發耳故經濟無才飛樓寄跡冒塵沙雷江峽而傍聳
萬統蛟螭者指亂賊也一段自序下接聳萬二句今
唐虞既遠楚漢相爭聖朝有盜賊之虞異方爲喧卑
之地使寶劍空埋獄底蛟龍久處池中已足歎矣乃
兩都皆開軍府萬里俱揮軍麾縣宇未寧禍亂間作
南海空餘銅柱蜀中亂也東風且避月支吐番入也
是以音書不通者亦以豺狼當道耳一段時事我奇
居于此躬稼經心遂分詩興柴荆僻處且學士風而
每懷舊都望故山而不見白閣臨秋水而空憶皇陂

故心緒荒蕪不復更求佳句惟以少遣愁懷不似當時之攻苦矣一改自序應前收

送田四弟將軍奉柏中丞命起居江陵節度陽城郡王
離筵罷多酒起地發寒塘回首中丞座馳牋異姓王
燕辭楓樹日鴈度麥城霜空醉山翁酒遙憐似葛疆

離筵之罷以酒多也起行之地自此寒塘矣回首中丞之座柏中丞也馳書異姓之王陽城郡王也此時燕辭楓樹之日鴈度麥城之霜點還江陵我雖空醉山公之酒惟君乃似為疆耳山公指柏中丞也

杜詩論文

夔州三十八

解悶十二首

草閣柴扉星散居浪翻江黑雨飛初山禽引子哺紅果溪
女得錢畱白魚

十二首有三意前三首卽事感懷居在山間故民居散而草閣柴扉江上故雨初飛而浪翻江黑山

間故見山禽引子江上故有溪女畱魚也二句分頂

商離別下揚州憶上西陵故驛樓爲問淮東米貴賤老
夫乘興欲流

商胡離別將下揚州因憶遊吳越時曾上西陵驛樓

也。因曰既至揚州。喜為問我米價之貴賤。我亦即飲。
東下矣。淮東揚州地也。

一辭故國十經秋。每見秋瓜憶故丘。今日南湖采薇蕨。何

人爲覓鄭瓜州。

今鄭秘監審

一辭故國忽已十載。每見秋瓜。卽念故鄉矣。今在南湖而薇蕨可採。正瓜熟之時。因瓜而念瓜州。觸事興懷。借以映帶也。

沈范早知何水部。曹劉不待薛郎中。獨當省署開文苑。兼

泛滄浪學釣翁。

杜詩論文

夔州三十八

中。五首懷詩人也。第一首懷薛璩。沈約范雲。早見知于何遜。而曹植劉楨。則不及見薛璩矣。然讀君之詩。所云省署開文苑者。君獨當之。所云滄浪學釣翁者。我已兼之矣。二句皆薛詩也。

李陵蘇武是吾師。孟子論文更不疑。

校書郎孟雲卿

一飯未曾畱

俗客數篇今見古人詩。

此首懷孟雲卿也。李陵蘇武是爲吾師。而得雲卿之論。可以益信矣。雲卿之品。不與俗人相接。雲卿之詩。且與古人比肩矣。

夜憶襄陽孟浩然清詩句句盡堪傳卽今耆舊無新語
釣槎頭縮項鱸

此首懷孟浩然也其詩句句堪傳矣乃浩然旣往而耆舊頗無新語止卽魚藏縮項鱸之句因釣其魚而憶其詩因其詩而并憶其人也耆舊照還襄陽

陶冶性靈存底物新詩改罷自長吟熟知二謝將能事頗學陰何苦用心

此首自言也陶冶性情別無他物止有新詩耳故作而改改而復吟也熟知二謝之作詩漸成能事頗學

杜詩論文

夔州三十八

陰何之鍊句更苦用心矣

不見高人王右丞藍田丘壑蔓寒藤最傳秀句寰區未

絕風流相國能

右丞弟令相國縉

此首懷王維也右丞不見卽藍田別業荒廢已久矣然其秀句滿下而風流未絕更有相國能之乎

指弟縉也

先帝貴妃俱寂寞荔枝還復入長安災方每續朱櫻獻玉坐應悲白露團

後四首咏玄宗荔枝之事也荔枝之貢冠于先帝貴

妃今已往矣。猶復未廢手。所以炎方每續朱櫻之貢。而玉座能無思嗜之悲乎。

憶過瀘戎摘荔枝。青風隱映石逶迤。京華應見無顏色。紅顆酸甜只自知。

曾過瀘戎而摘荔枝。在青楓之下。山石之間。其味更勝。一至京華。顏色變矣。紅顆雖在。而酸甜已不可問。亦何用此乎。

翠瓜碧李沉玉甃。赤梨蒲萄寒露成。可憐先不異枝蔓。此物娟娟長遠生。

杜詩論文

夔州三十八

翠瓜碧李。赤梨蒲萄。皆京師之物也。而荔枝之枝蔓。亦無大異。乃此娟娟美味。偏生自遠方。而勞人入貢耶。

側生野岸及江蒲。不熟丹官滿玉壺。雲壑布衣駘背死。勞生重馬翠眉須。

側生。荔枝別名也。亦生于野岸江蒲耳。乃不熟于丹官之中。而貢來已滿玉壺之內矣。雲壑布衣。唐光也。曾諫荔枝已經老死。而勞生重馬。不過爲翠眉之所須者。亦獨何耶。重字平聲。驛使奔騰。馬力不足。時副

一馬以防倒斃也

哭王彭州掄

執友驚淪沒斯人已寂寥。新文生沈謝異骨降松喬。北部
初高選東堂早見招。蛟龍纏倚劍鸞鳳夾吹簫。歷職漢廷
久中年。馬驕兵戈間。兩觀寵辱事。三朝蜀路江。干窄彭
門地里遙。解龜生碧草。諫微阻青霄。項壯戎麾出。叨陪幕
府要。將軍臨氣候。壯士識風飈。井滌泉誰汲。烽疎火不燒。
前籌多自暇。隱几接終朝。翠石俄雙表。寒松竟後彫。贈詩
焉敢墜。染翰欲無聊。再哭經過罷。離魂去住消。之官方玉
杜詩論文

夔州三十八

折寄莖與萍。漂曠望溼注。道霏微河漢。橋夫人先卽世。令
子各清標。巫峽長雲雨。秦城近斗杓。馮唐毛髮白。歸興日
蕭蕭。

執友淪沒。吾輩寂寥矣。先提二句爲挽詩。立案下俱

序。生時事。新文如沈謝復生。異骨爲松喬所降。是以

北部高選。東堂見招。武事備。故匣劍龍纏。文華贍。故

吹簫鳳至。觀東堂鸞鳳句。王或宗姻也。歷職旣久而

祿山作孽。盜賊兵戈。直至于官闕。事君寵辱。又歷于

三朝。乃蜀路彭門之遠。旣分符而朝生碧草。欲疎獵

而勢阻青霄。朝中無入矣。君則壯戎虜而出守。叨幕
府之招。尋下六句。幕府事將軍。知氣候之臨。壯士辦
風雲之色。而井泉不汲。烽火無驚。所以運籌有暇。陪
對爲多也。一段。序生時事。忽而華表已立。寒松亦凋。
子之贈詩。固不敢失墜。我欲染翰。又誰倡和平。故經
過從此罷。故爲再哭。去任總無憑。未免消覓也。因歎
子欲之官。遂爾玉折。今方寄奠。亦屬萍飄。然渥注之
種有在。令子固爲清標。河漢之橋。既遙。夫人先已卽
世矣。四句分承一段。序沒後事。下頂離覓。太任句。巫
歸與蕭條。能不哀哉。四句自序結。

杜詩論文

夔州三十八

覆舟二首

巫峽盤渦曉。黔陽貢物秋。丹砂同隕石。翠羽共沉舟。羈使
空斜影。龍居悶積流。篙工幸不溺。俄頃逐輕鷗。

立宗好神仙。黔陽貢丹砂。以供燒煉。而覆舟于此。巫
峽盤渦。覆舟之地也。黔陽貢物。覆舟之故也。秋與曉
覆之時也。丹砂翠羽。所貢之物也。丹如隕石。翠積沉
舟。舟于此覆矣。舟覆則使者已沉。空餘斜影。龍宮擁

軍當閔積流矣。其習水不溺者或有曾工耳。乃輕逐
鷗飄亦不復返耶。

竹宮時望拜桂館。或求仙姹女凌波日。神光照夜年徒聞
斬蛟劍無復舉。犀船使者隨秋色。迢迢獨上天。

竹宮而時望拜桂館而志求仙姹女自能凌波頂桂
館句神光每多盟夜頂竹宮句借漢武爲比也如此
則神靈默佑舟不當覆矣乃劍不能斬蛟犀不能照
惟舟竟覆耶而童亦不能成仙使者獨隨秋色而上
天矣所以凌戱之也

杜詩論文

夔州三十八
九

峽口二首

峽口大江間西南控百蠻。城歆連粉堞岸斷更青山。開闢
當天險防隅一水關。亂離聞鼓角秋氣動衰顏。

峽口在大江之間西南之地所以控帶百蠻也二句
連城在山上故城歆而城上之粉堞相連江當峽口
故岸斷而隔岸之青山又出蓋開闢以來天設之險
防隅一方止此水關耳六句咏峽口乃亂離以來日
聞鼓角至秋益悲而衰顏爲感動矣

時清關失險世亂戰如林去矣英雄事荒哉剖據心蘆花

留客晚楓樹坐猿深疲蕭頰親故諸侯數賜金

主人相中丞類分月

俸

接上亂離句特清刻無所別關世亂則爭來據險因
思古之英雄亦已往矣今復圖割據不亦愚哉四句
咏峽口我于此但見蘆花白而客驚歲晚楓樹密而
猿坐浚林乃以疲癯之軀空受諸侯之賜乎

秋風二首

秋風淅淅吹巫山上牢下牢脩水關吳檣楚柁牽百丈暖
向神都寒未還要路何日罷長戟戰自青羌連白蠻中巴
杜詩論文

夔州三十八

不得消息好瞋傳戍鼓長雲間

巫山之間秋風既起上牢下牢之關乘時修葺矣乃
江中所見吳楚之船牽百丈而輪運者自春暖徃京
師至秋風而未返民勞甚矣因歎此方要路何日罷
征戍乎而青羌白蠻戰爭相連以致中巴雖近消息
不通但長聽戍鼓于雲間而已

秋風淅淅吹我衣東流之外西日微天清小城擣練急石
古細路行人稀不知明月爲誰好早晚孤帆他夜歸會將
白髮倚庭櫺故園池臺今是非

秋風而吹我衣。寒漸近矣。東流之外。落日瞻。日已
晚矣。但見天宇清曠。唯聞砧聲。石徑蒼涼。行人斷絕。
寂寥極矣。因歎明月雖好。誰復看此。我亦早晚乘孤
帆而歸也。既歸。而以白髮倚庭樹。不亦樂哉。又轉而
歎曰。故園今日未知若何。歸亦何可必也。

西閣二首

巫山小搖落。碧色見松林。百鳥各相命。孤雲無自心。層軒
俯江壁。要路亦高深。朱紱猶紗帽。新詩近玉琴。功名不早
立。衰疾謝知音。哀世非王粲。終然學越吟。

杜詩論文

夔州三十八
十一

西閣公所居也。巫山在南方。故遇秋不過小搖落耳。
他樹搖落。故獨見松林碧色也。而山林之間。百鳥自
命共儔。侶孤雲無心於卷舒。四句閣前之景。層軒在
江壁之上。而此江此山。蜀之要路。亦高深矣。二句西
閣。寓於此。生。箱而猶復冠裳。新詩吟而切於律
呂。乃功名不早立。小紱何爲。疾無知音。新詩何用
乎。兩句分頂。夫哀世。非王粲終不能忘。越吟也。

懶心似江水。日夜向滄洲。不道含香賤。其如鑷白休。經過
彭。碧。柳。蕭。瑟。倚。朱。樓。畢。矣。何。時。竟。消。中。得。自。由。豪。華。看。古。

往服食寄冥搜詩盡人間意兼須入海求

身雖病懶而心同江水時向滄洲滄洲東海也雖舍
香不賤無奈白髮已多是以經過之處碧柳已彫蕭
瑟之天朱樓獨倚也然婚娶之畢在於何時而消中
之疾不能自遂故昔日豪華已成往事惟有服食延
年真搜遺典而已而詩亦不過人間之意欲奇句者
還當入海求之耳入海應滄洲句也通首言情

社日二首

九農成德業百祀發光輝報效神如在馨香舊不違南翁
杜詩論文

夔州三十八

巴曲醉北鴈塞聲尚想東方朔談諧割肉歸

九農德業百世常新故報効之誠祭神如在馨香之
薦舊制不違也四句社南翁正醉北雁聲微二句社
日因社日而想東方朔之割肉談諧矣

陳平亦分肉太史弘論功今日江南老他時渭北童歡娛
看絕塞涕淚落秋風鴛鴦迴金闕誰憐病啜中

接上東方朔句陳平分肉細事也太史亦以論功止

二句社日下俱自序今日爲江之老看江南之社昔
日爲渭北之童看渭北之社也思歡娛而身在塞外

記往事而淚落秋風乃鴛鴦之班已迴金闕誰憐我
之不得與乎兩首先言社久言社日中以方朔陳平
作一對末以自序結兩詩如一首

江月

江月從於水高樓思殺人天邊長作客老去一
露巾五露
圓清影銀河沒半輪誰家挑錦字燭滅翠眉頻

江月映水更覺光逾于水也况高樓之上臨此江對

此月愁思紛來矣二句看月之地雖天邊作客已慣

而老至則愁思更多二句對月之懷下二句方咏月

杜詩論文

夔州三十八
十三

時值秋露清影益圓行至銀河半輪當月下推開一

步誰家織錦之女亦對月而愁思乎以襯貼結

吹笛

吹笛秋山風月清誰家巧作斷腸聲風飄律呂相和切月
傍關山幾處明騎中宵堪北走武陵一曲想南征故園
楊柳今搖落何得愁中却盡生

吹笛而當秋山風月之下秋清笛益清矣因歎誰家

作此斷腸之聲乎二句喚起下二句咏笛風飄而至

聞律呂之和切承風字貼吹笛月明之處見關山之

感人永月。字貼秋山下。二句用事符堅聞之自應北
秀。武陵一曲想其南征。貼斷腸聲也。末二句自感故
園楊柳。既已搖落。何于笛中又忽生乎。

孤鴈

孤鴈不飲啄。飛鳴聲念群。誰憐一片影。相失萬重雲。望盡
似猶見。哀多如更聞。野鷗無意緒。鳴噪自紛紛。

孤鴈不飲啄而飛鳴者。以念羣也。二句連誰憐一片
孤影。羣中相失。已隔萬重之雲乎。二句亦連故望盡
不見而似猶見也。哀多不聞而如更聞也。分貼飛鳴

杜詩論支

夔州三十八
十四

二字下推開如野鷗鳴噪向人人豈聽之乎。

遣愁

養拙蓬爲戶。茫茫何所開。江通神女館。地隔望鄉臺。漸惜
客顏老。無由弟妹來。兵戈與人事。迺首一悲哀。

養拙蓬戶而戶冷冷茫茫亦何所開乎。下二句戶外之

地。江雖通神女觀不能卽下。塘地已隔望鄉臺并

不能再至成都矣。則兵戈之故也。况客顏漸老弟妹

不來。則人事之悲也。回首悲哀。雖欲遣愁而何可遣

乎。

夔府書懷四十韻

昔罷河西尉。初典薊北師。不才名位晚。敢恨首卽遲。扈聖
嗟峒日。端居滯瀕時。萍流仍汲引。樗散尚恩慈。遂阻雲臺
宿。常懷湛露詩。翠華森遠矣。白首或淒其拙。被林泉滯生。
逢酒賦欺文。園終寂寞漢。閣自磷緇病。隔君巨議慚。紆德
澤私。揚鑣驚玉屏。拔劍撥年衰。社稷經綸地。風雲際會期。
血流紛在眼。涕泗亂交頤。四瀆樓船泛。中原鼓角悲。賊壕
連白翟。戰瓦落丹墀。先帝嚴靈寢。宗臣切受遺。恆山猶突
騎。遼海競張旗。田父嗟膠漆。行人避薤藜。總戎存大體。降
杜詩論文

夔州三十八
十五

將飾甲辭楚。貢何年絕堯。封舊俗疑長。吁翻北寇一望卷
西。不必陪玄圃。超然待具茨。凶兵鑄農器。講殿闢書幃。
廟算高難測。天憂實在茲。形容真潦倒。答效莫支持。使者
分王命。群公各典司。恐垂均賦斂。不似問瘡痍。萬里煩供
給。孤城最怨思。綠林寧小患。雲夢欲難追。卽事須嘗膽。蒼
生可察眉。議堂猶集鳳。貞觀是元主。處處喧飛檄。家家急
競。雖蕭車安不定。蜀使下何之。鈞瀨疎墳籍。耕巖進奕碁。
地蒸餘破扇。冬暖更織絺。豺遘哀登楚。麟傷泣象尼。衣冠
迷適楚。藻繪憶遊睢。賞月延秋桂。傾陽逐暮葵。大庭終反

樸京觀且偃尸高枕虛眠晝哀歌欲和誰言官載勲業凡

百慎文綬

昔河西罷尉之日。正祿山初叛之時。故各位蹉跎。然亦不才致此。今日省郎之授。言遲乎。四句。味懷之。故昔也。扈從于奉天。今也。端居于灑瀨。在萍流而忽。叨汲引。雖禱散而尚沐恩慈。應省郎句。然遂阻雲臺之宿。空懷湛露之詩。不能入朝也。所以官車既遠。白首凄其。亦因性拙而被棘泉之滯。此生終爲詩酒所累耳。故文闕寂寞。漢關無或。病隔君臣之議。空紆德

杜詩論文

夔州三十八

澤之私耳。然志不怠。君有時揚鑣而念主辱之慚。有特拔劍而壯衰年之氣耳。一段自序。憶爲拾遺時。在社稷經綸之地。常風雲際會之期。正可有爲也。不意喪亂起而而流在眼。家國破而涕泗交頰。于是四瀆皆泛。樓船中原無非鼓角。賊勢盛而壕連白翟。賊之多也。軍聲振而瓦落丹墀。之近也。况值先帝始。宗臣輔政。西而桓山。東而遼海。無非戰場。故志士。避跡于田間。行人累足于道路矣。若代宗之爲元帥。畧存大體。不能親征。田承嗣等之降。朝廷飾此虛詞。

原無實意是以楚貢之包茅久矣不入堯封之凡屋。無不可疑也。故嘆息未平。而北寇已至。安史也。欲圖尊攘。而西寇尚存。吐蕃也。舊臣散落。不必陪玄圃之巡。賢人在野。誰爲問道之舉。焉得息兵務農。崇文偃武。重見太平哉。然廟算之高妙。雖不可知。而天步之艱難。實所隱憂也。無柰形容潦倒。報荅難支耳。一段序時事。今朝廷使者奉命而來。地方諸公各司厥職。惟知各營其私。不均賦歛。不問民瘼。徒費道里之供。應致小民之怨。咨何哉。嗟嗟。盜賊縱橫。旣養綠林。

杜詩論文

夔州三十八
十七

之患。方鎮背叛。不爲雲夢之巡。正宵旰憂民之日。故朝議遣使。欲如潁川之集鳳。洽貞觀之元龜耳。乃處處喧騰。各爲飛檄。家家追授。篋及刀錐。則一朝變亂。太守不能自安。使者又將何往乎。一段序遣使之事。下自歎。釣瀨自安。詩書已久廢。耕巖不進。用人如奕棋。而此夔州之地。天時冬暖。翳織緜。俗秣地福。不能久處。豺狼遇而孫楚可哀。獲麟傷而宣尼欲泣。所以衣冠適楚。旣恐路迷。藻繪游睢。空懷往事。但見月。延秋桂。時已秋矣。葵傾太陽。心猶故也。雖大庭之治。

終當反樸而京觀之築且多僵尸至治又何日乎惟
有高枕晝眠哀歌自放而已因遙謂朝廷諸臣曰南
宮欲載勳伐當以交道爲重苟小人得進則勳名俱
敗矣所當慎也

十六夜翫月

舊挹金波爽皆傳玉露秋關山隨地闊河漢近人流谷口
樵歸唱孤城笛起愁巴童渾不寐半夜有行舟

舊挹金波之爽十五夜也皆知白露之秋八月也遠
望而關山隨地俱濶家何處乎仰視而河漢近人西

杜詩論支

夔州三十八

流時已改矣歸唱者谷口之樵起愁者孤城之笛四
句月下所見聞也且巴童不寐半夜行舟安得附之
而歸耶

